

ЎЗБЕКИСТОН  
РЕСПУБЛИКАСИ  
Хоразм вилояти  
ҲОК И М И

РЕСПУБЛИКА  
УЗБЕКИСТАН  
Х О К И М  
Хорезмской области

=====

**Б.Қурбановга**

=====

Мурожаатни кўриб чиқиб, кўтарилган масалани ўрнатилган тартибда ҳал қилиб, натижаси ҳақида муаллифга жавоб хати тайёрлансин.



Ф.Эрманов

ФЭ-У-1805


" 16 " октябрь 2021 йил

Ўзбекистон Республикасининг Бош вазири:  
А.Ариповга

Нусхаси: Ўзбекистон Республикаси Бош прокурори:  
Н.Йўлдошевга  
Нусхаси: Ўзбекистон Республикаси Бош вазирининг ўринбосари  
«Ўзбекнефтгаз» АЖ бошқаруви раиси:  
А.Султановга  
Нусхаси: Хоразм вилояти ҳокими:  
Ф.Эрмановга  
Нусхаси: Хоразм вилояти ҳокими:  
Ф.Эрмановга  
Нусхаси: Хонқа тумани ҳокими:  
М.Давлатовга  
Нусхаси: Хонқа тумани Газ бўлими раҳбари:  
Х.Ваисовга

Хоразм вилояти Хонқа тумани Пахтагул маҳалалсида  
яшовчи фуқаро:

Урунов Шавкат Исмаилович бошчилигида  
Мобиль тел рақамим: +99893-282-54-41



#### ШИКОЯТ АРИЗАСИ

### Сизга ушбунни ёзиб маълум қиламизки,

#### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ ЭЛЕКТР ЭНЕРГИЯСИ ВА ТАБИЙ ГАЗДАН ФОЙДАЛАНИШ ТАРТИБИНИ ТАКОМИЛЛАШТИРИШГА ДОИР ҚЎШИМЧА ЧОРА-ТАДБИРЛАР ТЎҒРИСИДА

Ўзбекистон Республикаси Президентининг «Электр энергияси ва табиий газ етказиб бериш ҳамда истеъмол қилиш соҳасида тўлов интизомини янада мустаҳкамлаш, шунингдек ижро иши юритиш тизимини тубдан такомиллаштириш чора-тадбирлари тўғрисида» 2017 йил 29 майдаги ПФ-5059-сон Фармони ҳамда Ўзбекистон Республикаси Президентининг «Ўзбекистон Республикаси Бош прокуратураси ҳузуридаги Мажбурий ижро бюроси фаолиятини ташкил этиш тўғрисида» 2017 йил 30 майдаги ПК-3016-сон қарорига мувофиқ Вазирлар Маҳкамаси қарор қилади:

##### 1. Қуйидагилар:

Электр энергиясидан фойдаланиш қоидалари 1-иловага мувофиқ;

Табиий газдан фойдаланиш қоидалари 2-иловага мувофиқ тасдиқлансин.

##### 2. Белгилаб қўйилсинки:

маиший истеъмолчиларга электр энергияси ва табиий газ истеъмолини ҳисобга олиш замонавий ускуналарини харид қилиш, ўрнатиш, рўйхатдан ўтказиш, даврий давлат қиёслови ва пломбалаш тегишли равишда ҳудудий электр тармоқлари корхоналари ва газ таъминоти ташкилотлари маблағлари ҳисобидан амалга оширилади;

маиший истеъмолчиларнинг электр энергияси ва табиий газ истеъмолини ҳисобга олиш ускуналарининг даврий давлат қиёсловидан ўз вақтида ва сифатли ўтказилишини ташкил қилиш бўйича жавобгарлик тегишли равишда ҳудудий электр тармоқлари корхоналари ва газ таъминоти ташкилотларига юклатилади;

тадбиркорлик субъектларини электр ва газ тармоқларига фойдаланишга тайёр ҳолда улаш уларнинг хоҳишига кўра амалга оширилади. Олдинги тахрирга қаранг.

3. «Ўзбекнефтгаз» АЖ, «Ўзтрансгаз» АЖ, «Ўзбекэнерго» АЖ, «Ўздавнефтгазинспекция» ДИ ва «Ўздавэнергоназорат» ДИ Ўзбекистон Миллий телерадиокомпанияси, Ахборот ва оммавий коммуникациялар агентлиги, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари билан биргаликда ушбу қарор билан тасдиқланган электр энергияси ва табиий газдан фойдаланиш қоидаларининг оммавий ахборот воситаларида кенг ёритилишини ташкил этсин.

(3-банд Ўзбекистон Республикаси Вазирлар Маҳкамасининг 2019 йил 3 июндаги 457-сонли қарори таҳририда — Қонун ҳужжатлари маълумотлари миллий базаси, 04.06.2019 й., 09/19/457/3235-сон)

4. Ўзбекистон Республикаси Молия вазирлиги «Ўзбекэнерго» АЖ билан биргаликда ушбу қарор билан тасдиқланган Электр энергиясидан фойдаланиш қоидаларига мувофиқ истеъмолчиларнинг тариф гуруҳлари оптималлашувини ҳисобга олган ҳолда, электр энергияси учун янги тарифларни бир ой муддатда тасдиқлансин.

5. Ўзбекистон Республикаси Ҳукуматининг 3-иловага мувофиқ айрим қарорлари ўз кучини йўқотган деб ҳисоблансин.

6. «Ўздавнефтгазинспекция» ДИ, «Ўздавэнергоназорат» ДИ, «Ўзбекнефтгаз» АЖ, «Ўзтрансгаз» АЖ, «Ўзбекэнерго» АЖ, манфаатдор вазирлик ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсинлар.

7. Ушбу қарорнинг бажарилишини назорат қилиш Ўзбекистон Республикаси Бош вазирининг ўринбосари — «Ўзбекнефтгаз» АЖ бошқаруви раиси А.С. Султанов, «Ўзбекэнерго» АЖ бошқаруви раиси У.М. Мустафоев, «Ўзтрансгаз» АЖ бошқаруви раиси А.С. Мустафаев, «Ўздавнефтгазинспекция» ДИ бошлиғи Н.Т. Агзамов ва «Ўздавэнергоназорат» ДИ бошлиғи Д.О. Исакулов зиммасига юклансин.

**Ўзбекистон Республикасининг Бош вазiri А. АРИПОВ**  
Тошкент ш., 2018 йил 12 январь, 22-сон

*Вазирлар Маҳкамасининг 2018 йил 12  
январдаги 22-сон қарорига 2-ИЛОВА*

### **Табиий газдан фойдаланиш ҚОИДАЛАРИ**

#### **1-боб. Умумий қоидалар.**

1. Ушбу Қоидалар Ўзбекистон Республикаси Фуқаролик кодекси, «Энергиядан оқилона фойдаланиш тўғрисида», «Хўжалик юритувчи субъектлар фаолиятининг шартномавий-ҳуқуқий базаси тўғрисида», «Табиий монополиялар тўғрисида», «Истеъмолчилар ҳуқуқларини ҳимоя қилиш тўғрисида» Ўзбекистон Республикаси қонунлари ва бошқа норматив-ҳуқуқий ҳужжатларга мувофиқ табиий газни етказиб бериш ва истеъмол қилиш соҳасидаги муносабатларни тартибга солиди.

2. Ушбу Қоидалар табиий газ ишлаб чиқарувчилар, газ транспорти ва газ таъминоти ташкилотлари, истеъмолчилар, қурилиш-монтаж, лойиҳалаш, ишга тушириш-созлаш ташкилотлари, шунингдек, Ўзбекистон Республикаси Бош прокуратураси ҳузуридаги Мажбурий ижро бюроси (*кейинги ўринларда Бюро деб аталади*) томонидан бажариш учун мажбурий ҳисобланади.

#### **2-боб. Асосий тушунчалар.**

3. Ушбу Қоидаларда қуйидаги асосий тушунчалар қўлланилади:

авария ҳолатларида газ етказиб бериш жадваллари — авария ҳолатларида ёки магистрал ва таксимлаш газ қувурларининг технологик иш режими бузилган ҳолатларда, истеъмолчиларни газ тармоқларидан (*қисман ёки тўлиқ*) узиб қўйиш навбатини ҳисобга олган ҳолда, уларга табиий газ етказиб бериш жадваллари; Олдинги таҳрирга қаранг.

хатлов далолатномаси — газ таъминоти ташкилоти ёки Бюро вакили томонидан истеъмолчи иштирокида истеъмолчининг табиий газ истеъмоли ҳажмини аниқлашга таъсир кўрсатадиган барча маълумотлари (номланиши, манзили ва реквизитлари, газни ҳисобга олиш прибори ва газдан фойдаланиш ускунасининг техник тавсифлари, газ хўжалигининг лойиҳа маълумотлари, расмийлаштириш санасидаги ҳисоб-китоблар ҳолати, ваколатли органлар томонидан табиий газдан оқилона фойдаланиш бўйича берилган хулосаларнинг мавжудлиги, шунингдек, маиший

истеъмолчилар учун яшовчилар, ҳайвонлар сони ва иситиладиган бинолар ҳажми) акс эттирилган ҳолда тузилган ҳужжат;

*(3-банд Ўзбекистон Республикаси Вазирлар Маҳкамасининг 2018 йил 20 октябрдаги 838-сонли қарорига асосан учинчи хатбоши билан тўлдирилган — Қонун ҳужжатлари маълумотлари миллий базаси, 22.10.2018 й., 09/18/838/2077-сон)*

маиший истеъмолчилар — маиший эҳтиёж (*овқат тайёрлаш, иссиқ сув ва иситиш*) учун табиий газдан фойдаланувчи аҳоли;

табиий газ — газни қайта ишлаш ташкилотлари ишлаб чиқарадиган, газ узатиш ташкилотлари томонидан ташиладиган газ, шунингдек нефтни қайта ишлаш ташкилотлари томонидан ишлаб чиқиладиган ва ёқилғи ёки хомашё сифатида фойдаланиш учун мўлжалланган ёқилғи гази;

газдан фойдаланиш ускунаси — энергия самарадорлиги ва энергияни тежаш талабларига жавоб берадиган, марказлаштирилган иситиш ва иссиқ сув таъминоти учун иссиқлик энергияси ишлаб чиқариш учун, турли ишлаб чиқаришларнинг технологик жараёнларида табиий газдан ёқилғи сифатида фойдаланадиган қозонлар, ишлаб чиқариш печлари, утилизаторлар, технологик линиялар ҳамда газдан хомашё сифатида фойдаланадиган бошқа қурилмалар, шунингдек, кўп хонадонли ва турар жой биноларида ўрнатилган ва газдан шахсий, оилавий, уй-жой, хўжалик ва бошқа эҳтиёжлар учун ёқилғи сифатида фойдаланадиган бошқа ускуналар;

газ узатиш ташкилоти — табиий газни қабул қилувчи, узатувчи, газ таъминоти ташкилотлари ва истеъмолчиларга магистрал газ қувурлари орқали етказиб берувчи ташкилот;

газ ташкилоти — табиий газни қабул қилиш, тақсимлаш ва истеъмолчиларга шартнома асосида етказиб беришни таъминловчи ташкилот; Олдинги таҳрирга қаранг.

аралашиш ҳолати ва санасини тасдиқлайдиган ҳужжатлар — ҳисобга олиш прибори ёки ўлчов комплексининг ишига аралашиш ҳолати ва санасини аниқлаш имконини берадиган маълумотларни ўз ичига олган ҳужжатлар ёки материаллар;

*(3-банд Ўзбекистон Республикаси Вазирлар Маҳкамасининг 2018 йил 20 октябрдаги 838-сонли қарорига асосан тўққизинчи хатбоши билан тўлдирилган — Қонун ҳужжатлари маълумотлари миллий базаси, 22.10.2018 й., 09/18/838/2077-сон)*

табиий газ ишлаб чиқарувчилар — табиий газни қабул қилиш, қайта ишлаш, ишлаб чиқариш ва етказиб беришни таъминлаш ташкилотлари, шунингдек, нефть ва (*ёки*) газ конденсатини қабул қилиш ва қайта ишлаш, табиий газни ишлаб чиқариш ва етказиб беришни таъминловчи нефтни қайта ишлаш ташкилотлари;

газ тармоғининг бўлиниш чегараси — газ узатиш ташкилоти, газ таъминоти ташкилоти ва истеъмолчилар ўртасида газ тармоғининг табиий газни истеъмол қилишни ҳисобга олиш приборлари ўрнатилиши лозим бўлган ва тегишлилиги бўйича аниқланадиган бўлиниш нуқтаси. Бунда, агар табиий газни истеъмол қилишни ҳисобга олиш прибори истеъмолчига тегишли бўлса, ташқи (*узиб қўядиган*) кран, агар табиий газни истеъмол қилишни ҳисобга олиш прибори газ таъминоти (газ узатувчи) ташкилотга тегишли бўлса — табиий газни истеъмол қилишни ҳисобга олиш прибори газ тармоғининг бўлиниш чегараси ҳисобланади;

табиий газни етказиб бериш шартномаси — газ таъминоти (*газ узатувчи*) ташкилотига табиий газни истеъмолчига ўзининг газ тармоқлари орқали узатиш, истеъмолчига эса қабул қилинган табиий газ учун тўловни амалга ошириш мажбуриятини юклайдиган битим;

коммунал ва маиший истеъмолчилар — умумий ҳисоб қуввати 100 кВт бўлган газдан фойдаланиш ускуналарида маиший мақсадларда (*овқат тайёрлаш, иссиқ сув таъминоти ва иситиш*) газдан фойдаланувчи ва юридик шахс мақомини ташкил қилмасдан тадбиркорлик фаолияти билан шуғулланувчи юридик ва жисмоний шахслар;

кўрсаткичларни назорат учун олиш — Бюронинг масъул вакили томонидан табиий газ истеъмолини ҳисобга олиш приборининг кўрсаткичларини олиш ва ўрнатилган тамғалар бутунлигини кўздан кечириш;

ишлаб чиқариш фаолияти билан шуғулланувчи истеъмолчилар — газдан ёқилғи ёки хомашё сифатида, шунингдек, умумий ҳисоб қуввати 100 кВт юқори бўлган газдан фойдаланиш ускуналарида маиший эҳтиёжларда (*овқат тайёрлаш, иссиқ сув таъминоти ва иситиш*) фойдаланувчи, юридик шахсни ташкил этмасдан тадбиркорлик фаолияти билан шуғулланувчи юридик ва жисмоний шахслар.

ижтимоий аҳамиятга эга бўлган истеъмолчилар — табиий газ етказиб бериш шартлари ва рўйхати маҳаллий давлат ҳокимияти органлари томонидан аниқланадиган ижтимоий соҳа муассасалари ва бюджет ташкилотлари;

стратегик аҳамиятга эга бўлган истеъмолчилар — узлуксиз фаолият кўрсатувчи ишлаб чиқариш-технологик объектларга эга бўлган ҳамда табиий газ етказиб бериш шартлари ва рўйхати Ўзбекистон Республикаси Вазирлар Маҳкамаси томонидан белгиланадиган истеъмолчилар; табиий газ истеъмолини ҳисобга олиш приборлари — бир ёки бир нечта функцияларни: табиий газ сарфини (*ҳажмини*), ҳароратини ва босимини ўлчаш, приборларнинг ишлаш вақтини ҳисобга олиш; ўлчов кўрсаткичлари тўғрисидаги ахборотларни тўплаш, саклаш ва акс эттиришни бажариш учун мўлжалланган ўлчов техника воситалари;

ишга тушириш-созлаш ишлари — коммуникациялар ва арматураларга эга газдан фойдаланиш ускунасини ишлашга тайёрлаш ва ишга тушириш, газдан фойдаланиш ускунаси юклагасини газдан фойдаланиш ускуналари эгаси бўлган ташкилот билан келишилган даражагача етказиш, шунингдек фойдали иш коэффициентини мақбуллаштирмасдан газдан фойдаланиш ускунасининг иситиш режимини созлашдан иборат бўлган ишлар комплекси; Олдинги таҳрирга қаранг.

ҳисоб-китоб даври — табиий газ истеъмолининг сарфи (*ҳажми*) аниқланиши, истеъмол қилинган табиий газ учун истеъмолчи ва газ таъминоти ташкилоти ўртасида ўзаро ҳисоб-китоб амалга оширилиши зарур бўлган вақт даври (*ой*);

(3-банд Ўзбекистон Республикаси Вазирлар Маҳкамасининг 2018 йил 20 октябрдаги 838-сонли қарорига асосан йигирманчи хатбоши билан тўлдирилган — Қонун ҳужжатлари маълумотлари миллий базаси, 22.10.2018 й., 09/18/838/2077-сон)

### **3-боб. Табиий газга бўлган йиллик эҳтиёжни аниқлаш.**

4. Истеъмолчи (*маиший истеъмолчилардан ташқари*), шу жумладан оилавий корхоналар ҳар йили 15 июлгача бўлган муддатда газ таъминоти ташкилотига чораклар бўйича (*қиш даври учун — ойлар бўйича*) тақсимланадиган келгуси йилги табиий газ истеъмолининг прогноз қилинаётган ҳажми учун буюртма беради. Олдинги таҳрирга қаранг.

5. «Ўзбекнефтгаз» АЖ ҳар йили 1 августгача бўлган муддатда келгуси йил учун табиий газни қазиб олиш, қайта ишлаш, «Ўзстрансгаз» АЖ магистрал газ қувурларигача етказиб беришда ўзининг газга бўлган эҳтиёжлари ва технологик йўқотишларни аниқлайди.

(5-банд Ўзбекистон Республикаси Вазирлар Маҳкамасининг 2020 йил 3 июндаги 348-сонли қарори таҳририда — Қонун ҳужжатлари маълумотлари миллий базаси, 04.06.2020 й., 09/20/348/0716-сон)

6. Келгуси йилда табиий газга бўлган эҳтиёж ишлаб чиқариладиган маҳсулот (*ишлар, хизматлар*) бирлиги учун техник ва илмий асосланган нормаларга кўра маҳсулот ишлаб чиқаришнинг прогноз қилинаётган ҳажмларини ҳисобга олган ҳолда, табиий газнинг икки йиллик (*ҳар чораклик*) амалдаги сарфи ва маҳсулот ишлаб чиқариш асосида истеъмолчи томонидан тегишли ҳисоб-китоблар билан асосланган бўлиши керак.

Маиший истеъмолчилар ва коммунал хўжалик истеъмолчиларнинг келгуси йилда табиий газга бўлган эҳтиёжи табиий газни белгиланган истеъмол қилиш меъёрлари ва (*ёки*) икки йиллик (*ҳар чораклик*) амалдаги сарфи асосида газ таъминоти ташкилотлари томонидан аниқланади. Олдинги таҳрирга қаранг.

7. Газ таъминоти ташкилотлари ҳар йили 1 сентябргача табиий газга бўлган эҳтиёжни чоракларга (*қиш даври учун — ойлар бўйича*) тақсимлаган ҳолда (*келгуси йилда янгидан ишга тушириладиган объектлар учун заҳира ҳажмларини назарда тутган ҳолда*), келгуси йил учун газ эҳтиёжи прогнозини шакллантиради ҳамда умумлаштириш ва кейинчалик Ўзбекистон Республикаси Энергетика вазирлигига тақдим этиш учун «Худудгазтаъминот» АЖга юборади.

(7-банд Ўзбекистон Республикаси Вазирлар Маҳкамасининг 2020 йил 3 июндаги 348-сонли қарори таҳририда — Қонун ҳужжатлари маълумотлари миллий базаси, 04.06.2020 й., 09/20/348/0716-сон)

Олдинги таҳрирга қаранг.

8. Ўзбекистон Республикаси Энергетика вазирлиги тақдим этилган буюртмалар асосида ресурс ва газ узатиш имкониятлари, шунингдек, ички тармоқ эҳтиёжи ва табиий газ экспорти ҳажмларини ҳисобга олиб, табиий газга бўлган эҳтиёжни чораклар бўйича (*қиш даври учун — ойлар бўйича*) тақсимлаган ҳолда, республика бўйича келгуси йил учун табиий газ ресурсларининг ва газни тақсимлаш балансини тузади ҳамда ушбу балансни келгуси йил республика бўйича табиий газ ресурслари ва газни тақсимлаш баланси лойиҳасини тайёрлаш учун Ўзбекистон Республикаси Иқтисодий тараққиёт ва камбағалликни қисқартириш вазирлигига 15 сентябргача тақдим этади.

(8-банд Ўзбекистон Республикаси Вазирлар Маҳкамасининг 2020 йил 3 июндаги 348-сонли қарори таҳририда — Қонун ҳужжатлари маълумотлари миллий базаси, 04.06.2020 й., 09/20/348/0716-сон)

Олдинги таҳрирга қаранг.

9. Ўзбекистон Республикаси Энергетика вазирлиги келгуси йил учун республика бўйича табиий газ ресурсларининг ва газни тақсимлашнинг тасдиқланган балансига мувофиқ ҳар йили 1 декабрга

кадар «Ўзбекнефтогаз» АЖ, «Ўзтрансгаз» АЖ ва «Худудгазтаъминот» АЖга истеъмолчиларга табиий газ етказиб беришнинг йиллик ва чораклик (киш даври учун — ойлар бўйича) ҳажмларини тақдим этади. «Худудгазтаъминот» АЖ истеъмолчиларга табиий газ етказиб беришнинг йиллик ва чораклик (киш даври учун — ойлар бўйича) ҳажмларини газ таъминоти ташкилотларига юборади.  
(9-банднинг биринчи хатбошиси Ўзбекистон Республикаси Вазирлар Маҳкамасининг 2020 йил 3 июндаги 348-сонли қарори таҳририда — Қонун ҳужжатлари маълумотлари миллий базаси, 04.06.2020 й., 09/20/348/0716-сон)

Газ таъминоти ташкилотлари истеъмолчилар (маиший истеъмолчилардан ташқари) буюртмаларини табиий газ ресурсларининг ва газни тақсимлашнинг тасдиқланган балансига мувофиқ ажратилган ҳажмлар даражасида қайта кўриб чиқишга ҳақлидир.

**10. Куйидагилар табиий газ етказиб бериш устувор вазифа ҳисобланади:**

маиший истеъмолчилар, шу жумладан оилавий корхоналарга; Олдинги таҳрирга қаранг.

идоравий ва муниципал уй-жой фондида, юридик шахслар ётоқхоналарига ва хусусий уй-жой мулкдорлари ширкатларига — аҳолини газ билан таъминлаш учун ҳамда локал қозонхоналарга — аҳоли эҳтиёжлари учун;

(10-банд Ўзбекистон Республикаси Вазирлар Маҳкамасининг 2019 йил 24 мартдаги 243-сонли қарорига асосан учинчи хатбоши билан тўлдирилган — Қонун ҳужжатлари маълумотлари миллий базаси, 25.03.2019 й., 09/19/243/2807-сон) қонун ҳужжатларида белгиланган стратегик ва ижтимоий аҳамиятга эга бўлган истеъмолчиларга.

#### **4-боб. Маиший ва коммунал хўжалик истеъмолчиларни газ тармоқларига уланиш учун ҳужжатларни расмийлаштириш тартиби.**

**11. Истеъмолчилар (шу жумладан, умумий ҳисоб қуввати 100 кВт гача бўлган газдан фойдаланиш ускуналарига эга оилавий корхоналар) амалдаги норматив-ҳуқуқий ҳужжатлар талабларига мувофиқ ва қонун ҳужжатларига кўра газлаштириш ишларини бажариш ҳуқуқига эга ташкилотлар томонидан ёнғин хавфсизлиги қоидаларига риоя этилган ҳолда ишлаб чиқилган газлаштириш лойиҳаларига асосан газ билан таъминланади.**

**12. Истеъмолчиларни куйидаги тартибда газ билан таъминлаш имкониятлари кўриб чиқилади:**

истеъмолчи газ таъминоти ташкилотига электрон ёки ёзма шаклда газлаштириш ҳақидаги аризани кадастр ҳужжати нусхасини илова қилган ҳолда тақдим этади;

тақдим этилган ариза уч иш куни мобайнида газ таъминоти ташкилотининг мутахассислари томонидан жойларга чиқиб, газлаштиришнинг техник имкониятларига мос келиши ёки мос келмаслиги бўйича ўрганилади. Ўрганиш натижасида газ таъминоти ташкилоти томонидан ижобий қарор қабул қилинган тақдирда, истеъмолчига ички газ қувурлари, газда ишлайдиган асбоблар (тури ва сони) ва табиий газ истеъмолини ҳисобга олиш приборларига қўйилган талабларни ўз ичига олган газлаштириш техник шартлари берилади.

Истеъмолчи объекти жойлашган худудда истеъмолчига газтаъминоти ташкилоти томонидан табиий газ узатиш имконини берадиган қувватга эга бўлган газни тақсимлаш тармоғи мавжуд бўлганда, истеъмолчини газ билан таъминлашнинг техник имконияти мавжуд деб тан олинади.

Газлаштирилган хусусий уй-жойлар маиший истеъмолчи ва оилавий корхонага ажратилган тақдирда, уларнинг ҳар бири газлаштириш лойиҳалари асосида, табиий газ истеъмолини ҳисобга олиш учун алоҳида приборлар ўрнатиш шarti билан ва оилавий корхонани газлаштириш учун қўшимча газлаштириш техник шarti олинган ҳолда газ билан таъминланади.

Газлаштирилган хусусий уй-жойлар икки ва ундан ортиқ маиший истеъмолчига ажратилган тақдирда, ҳар бир уй қисми учун алоҳида газлаштириш лойиҳаларини ишлаб чиқиш ва газлаштириш учун қўшимча техник шартларни олмасдан табиий газ истеъмолини ҳисобга оладиган алоҳида приборлар ўрнатиш шarti билан уй-жойни ажратиш режалари (кадастр ҳужжати) асосида газ билан таъминланади.

**13. Газлаштириш (газдан фойдаланиш ускуналари, қурилма ва уй ичи газ қувурлари) лойиҳаси қонун ҳужжатларига мувофиқ мазкур фаолият билан шуғулланиш ҳуқуқига эга бўлган лойиҳа ташкилотлари томонидан газлаштириш техник шартлари асосида ишлаб чиқилади.**

**14. Газлаштириш лойиҳасида куйидаги ечимлар назарда тутилиши керак:**

белгиланган стандартларга мувофиқ самарали газдан фойдаланиш ускунасини ўрнатиш;

истеъмол қилинаётган табиий газ сарфининг ҳисобланган диапозонида ҳисобга олишнинг ишончлилигини таъминлайдиган, газ ҳажмини стандарт шартларга мувофиқлаштириш учун зарур қурилмалар билан жиҳозланган ҳамда табиий газ истеъмолини автоматик тарзда назорат қилиш ва ҳисобга олиш тизимига мос келадиган табиий газ истеъмолини ҳисобга олиш приборларини (уларни қулай жойлашув нуқталарини кўрсатган ҳолда) ўрнатиш.

15. Газлаштириш лойиҳаси газ таъминоти ташкилоти томонидан қурилиш-монтаж ишлари (*кейинги ўринларда ҚМИ деб аталади*) бошланишидан аввал, бироқ газлаштириш учун техник шартлар берилган кундан бошлаб 24 ойдан кечикмасдан рўйхатдан ўтказилган бўлиши лозим.

16. ҚМИ газлаштириш лойиҳасига мувофиқ, мазкур ишларни бажариш ҳукукига эга ташкилот томонидан ижро-техник ҳужжатлар ва ертўла иншоотларидаги бошқа коммуникацияларнинг кириш жойларини герметик зич ёпилганлиги ҳақидаги далолатномани тузган ҳолда бажарилади.

17. ҚМИни амалга оширган ташкилот газ таъминоти ташкилотига дудбурон ва вентиляция каналларини текшириш, шунингдек, ертўла иншоотларидаги бошқа коммуникацияларнинг кириш жойларини герметик зич ёпилганлиги ҳақидаги далолатномаларни тақдим этади.

18. Янги қурилган ички газ қувурини фойдаланишга қабул қилиш ва газдан фойдаланиш ускунасини ишга тушириш-созлаш ишлари (*кейинги ўринларда ИТСИ деб аталади*) газ таъминоти ташкилоти томонидан белгиланган тартибда амалга оширилади.

19. ИТСИ яқунлангач, ишга тушириш далолатномаси тузилади ва истеъмолчига табиий газдан фойдаланиш қоидалари бўйича кўрсатмалар берилади. Шундан сўнг истеъмолчи ишга тушириш далолатномасига имзо чекади ва табиий газни етказиб бериш шартномаси тузилади (*ишга тушириш далолатномасининг бир нусхаси газ таъминоти ташкилотида сақланади*).

#### **6-боб. Табиий газни етказиб бериш бўйича шартнома тузиш.**

48. Газ таъминоти (*газ узатиш*) ташкилоти ва истеъмолчи ўртасида табиий газ етказиб бериш бўйича шартнома газ таъминотининг намунавий шартномасига мувофиқ тайёрланган шаклда тузилади. Олдинги таҳрирга қаранг.

Газ таъминотининг намунавий шартномаси «Ўзтрансгаз» АЖ ва «Худудгазтаъминот» АЖ томонидан ишлаб чиқилади ҳамда, «Ўзнефтьгазинспекция» ва Монополияга қарши курашиш кўмитаси билан келишилган ҳолда тасдиқланади.

(48-банднинг иккинчи хатбошиси Ўзбекистон Республикаси Вазирлар Маҳкамасининг 2020 йил 3 июндаги 348-сонли қарори таҳририда — Қонун ҳужжатлари маълумотлари миллий базаси, 04.06.2020 й., 09/20/348/0716-сон)

49. Маиший истеъмолчилар билан табиий газ етказиб бериш шартномаси тузилмаган тақдирда, шартнома газ тармоғига белгиланган тартибда амалда уланган вақтдан тузилган ҳисобланади.

Бунда газ таъминоти ташкилоти мазкур истеъмолчи билан табиий газни етказиб бериш шартномаси тузиш ҳамда ушбу Қоидалар талабларига мувофиқ табиий газдан фойдаланиш қоидаларини таъминлаш юзасидан зарур чоралар кўриши шарт.

Ўзбекистон Республикаси Ер ресурслари, геодезия, картография ва давлат кадастри давлат кўмитаси ва унинг ҳудудий бўлинмалари кўчмас мулк ҳуқуқларини давлат рўйхатидан ўтказгандан сўнг уч кун муддат ичида истеъмолчи билан шартномани қайта расмийлаштириш учун газ таъминоти ташкилотига кўчмас мулк эгаси тўғрисида маълумот юборади.

50. Табиий газ истеъмолчиларининг бошқа тоифаларига табиий газ фақат шартномалари асосида етказиб берилади.

51. Истеъмолчиларга шартномада белгиланган ҳажмда табиий газ (*маиший истеъмолчилардан ташқари*) мазкур Қоидаларнинг 4 ва 9-бандларида назарда тутилган талабларга мувофиқ етказиб берилади.

52. Табиий газни етказиб бериш шартномасида газдан фойдаланиш ускуналари ва табиий газ истеъмолини ҳисобга олиш приборларига техник хизмат кўрсатиш даврийлиги ва тартиби қонун ҳужжатлари талаблари ва техник ҳужжатларга мувофиқ кўрсатилиши шарт.

53. Табиий газни етказиб бериш бўйича шартнома 2 нусхада, тарафларнинг ҳар бири учун бир нусхадан тузилади.

#### **7-боб. Истеъмолчиларга табиий газ етказиб бериш тартиби.**

54. Истеъмолчиларга табиий газ етказиб бериш газ таъминоти (газ узатиш) ташкилоти томонидан ушбу Қоидаларга мувофиқ амалга оширилади.

55. Истеъмолчига етказиб берилаётган табиий газ фақат истеъмолчи томонидан табиий газни етказиб бериш шартномасида кўрсатилган мақсадларда фойдаланишига йўл қўйилади. Етказиб берилган табиий газ ҳажмидан бир қисmini учинчи шахсларга ўтказиш ёки сотиш фақат газ таъминоти ташкилоти билан табиий газни етказиб бериш шартномасини тузиш ҳамда алоҳида табиий газни истеъмол қилишни ҳисобга олиш приборини ўрнатиш асосида амалга оширилиши шарт.

56. Газ таъминоти ташкилоти табиий газни ўртача суткалик норма доирасида ой мобайнида бир хил миқдорда, истеъмол қилишнинг суткалик нормасидан камайтириш ҳисобига чекиниш зарурати



бўлган ҳолатларда эса — томонлар ўртасида келишилган диспетчерлик жадваллари бўйича етказиб бериши, истеъмолчи эса (*маиший истеъмолчилар ва умумий ҳисоб қуввати 100 кВт.дан кўп бўлмаган газдан фойдаланиш ускунасига эга оилавий корхоналардан ташқари*) уни бўлиниш чегарасида ўрнатилган табиий газ истеъмолини ҳисобга олиш прибори орқали олиши шарт.

Газ таъминоти ташкилотларига ГТСнинг алоҳида чиқиш газ қувурлари (*нуқталар*) орқали етказиб берилган табиий газ ҳажмлари истеъмолчилар билан бўлиниш чегарасида ўрнатилган табиий газ истеъмолини ҳисобга олиш приборлари кўрсаткичларининг умумий йиғиндиси бўйича аниқланади. ГТСнинг алоҳида чиқиш газ қувурлар (*нуқталар*) ва истеъмолчилар билан бўлиниши чегарасида ўрнатилган табиий газ истеъмолини ҳисобга олиш приборларига қадар ўрнатилган бошқа табиий газ истеъмолини ҳисобга олиш приборлари, газ таъминоти ташкилотлари билан ўзаро ҳисоб-китоб қилиш учун яроқсиз деб ҳисобланади. Олдинги таҳрирга қаранг.

Республика ҳудуди бўйича табиий газни етказиб беришнинг ойлик ҳажмлари «Ўзтрансгаз» АЖ ва «Худудгазтаъминот» АЖ томонидан газ ташиш тизимининг ресурс ва техник имкониятларидан келиб чиққан ҳолда аниқланади.

(56-банднинг учинчи хатбошиси Ўзбекистон Республикаси Вазирлар Маҳкамасининг 2020 йил 3 июндаги 348-сонли қарори таҳририда — Қонун ҳужжатлари маълумотлари миллий базаси, 04.06.2020 й., 09/20/348/0716-сон) Олдинги таҳрирга қаранг.

Ушбу қоидаларга иловада кўрсатилган табиий газ етказиб беришнинг алоҳида тартиби белгиланадиган стратегик ташкилотларга ҳақи тўланмагани учун табиий газ беришни камайтириш белгиланган тартибда энергия билан таъминлашнинг технологик ва авария брони даражасигача, тўлиқ узиб қўйиш эса — фақат суд қарорига биноан амалга оширилиши мумкин.

(56-банд Ўзбекистон Республикаси Вазирлар Маҳкамасининг 2020 йил 18 мартдаги 170-сонли қарорига асосан хатбоши билан тўлдирилган — Қонун ҳужжатлари маълумотлари миллий базаси, 19.03.2020 й., 09/20/170/0336-сон)

57. Газ узатиш ташкилоти табиий газнинг газ тақсимлаш станциясидан чиқиш босимини норматив-техник ҳужжатларга мос равишда ушлаб туради. Олдинги таҳрирга қаранг.

58. Ушбу Қоидаларнинг 10-бандида келтирилган истеъмолчиларни об-ҳаво совиб кетиши даврида табиий газ билан узлуксиз таъминлаш мақсадида Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари, «Ўзнефтьгазинспекция», табиий газ ишлаб чиқариш, газ таъминоти (*газ узатиш*) ташкилотлари ва истеъмолчилар (*маиший ва коммунал хўжалик истеъмолчилари ҳамда оилавий корхоналардан ташқари*) билан келишилган ҳолда корхоналарни захира ёқилғига ўтказиш жадвалларини тузиб, ушбу жадваллар Ўзбекистон Республикаси Вазирлар Маҳкамаси томонидан тасдиқланади.

(58-банднинг биринчи хатбошиси Ўзбекистон Республикаси Вазирлар Маҳкамасининг 2019 йил 24 июндаги 520-сонли қарори таҳририда — Қонун ҳужжатлари маълумотлари миллий базаси, 25.06.2019 й., 09/19/520/3332-сон)

Тасдиқланган жадваллар барча манфаатдор ташкилотларга юборилади. Жадваллар табиий газни етказиб бериш прогноз кўрсаткичлари мазкур Қоидаларнинг 10-бандида келтирилган истеъмолчиларни табиий газ билан узлуксиз таъминлаш имконини бермаган тақдирда, Вазирлар Маҳкамасининг қарорлари билан газ таъминоти (*газ узатиш*) ташкилотлари томонидан жорий этилади.

Жадвалга киритилган истеъмолчилар қисқармайдиган миқдорда (*камида 3 ой давомида эҳтиёжни қоплайдиган*) захира ёқилғи захирасига эга бўлиши ва ҳаво ҳарорати пасайиб кетган даврларда ушбу ёқилғига ўтиши шарт.

Ҳаво ҳарорати пасайиб кетган даврда ёки куз-қиш мавсумида захира ёқилғига ўтказиш жадвалига киритилган алоҳида истеъмолчиларга табиий газни қайтадан етказиб бериш Вазирлар Маҳкамасининг қарори билан амалга оширилади, бунда тасдиқланган корхоналарни захира ёқилғи турларига ўтказиш жадвалларига тегишли ўзгартишлар киритилади.

59. Газ таъминоти ташкилотлари 1 сентябргача бўлган муддатда газ тармоқларидан узиладиган мавсумий истеъмолчилар рўйхатини тузади (*уларни мажбурий тарзда хабардор қилган ҳолда*) ва Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликларига тасдиқлаш учун тақдим этади. Олдинги таҳрирга қаранг.

60. «Ўзтрансгаз» АЖ ва «Худудгазтаъминот» АЖ тақдимномаси бўйича Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари истеъмолчиларга (*маиший ва коммунал хўжалик истеъмолчилари, шунингдек оилавий корхоналар бундан мустасно*) табиий газни етказиб бериш жадвалларини ва авариялар рўй бериши ёки магистрал ва тақсимловчи газ қувурлари ишида технологик режим бузилишлари оқибатида газ тармоқларидан уларни узиб қўйиш навбатини тасдиқлайдилар.



*(60-банднинг биринчи хатбошиси Ўзбекистон Республикаси Вазирлар Маҳкамасининг 2020 йил 3 июндаги 348-сонли қарори таҳририда — Қонун ҳужжатлари маълумотлари миллий базаси, 04.06.2020 й., 09/20/348/0716-сон)*

Тасдиқланган авариялар пайтидаги газ етказиб бериш жадваллари тегишли ташкилотларга юборилади ва магистрал ва тақсимловчи газ қувурларида авария вазиятларида газ таъминоти ташкилоти томонидан амалга киритилади.

Авариялар натижасида объектлар, магистрал ва тақсимловчи газ қувурларининг технологик иш режимлари бузилган тақдирда, газ таъминоти ташкилотларининг диспетчерлик хизматлари истеъмолчиларга кўрсатиб ўтилган авариялар пайтидаги жадвалларни амалда жорий этиш тўғрисида истеъмолчиларга суткалик газ етказиб бериш ҳажмларидаги тегишли ўзгаришлар билан бирга кўрсатмалар берадилар, маҳаллий давлат ҳокимияти органларини ҳамда аҳолини бу ҳақида оммавий ахборот воситалари орқали хабардор қиладилар.

Газ етказиб беришнинг режалаштирилаётган қисқариши *(тўхтатилиши)* тўғрисида: Олдинги таҳрирга қаранг.

табiiй газ ишлаб чиқарувчилар («Ўзбекнефтогаз» АЖ орқали) газ узатиш ташкилотини — 2 соат мобайнида;

*(60-банднинг бешинчи хатбошиси Ўзбекистон Республикаси Вазирлар Маҳкамасининг 2020 йил 3 июндаги 348-сонли қарори таҳририда — Қонун ҳужжатлари маълумотлари миллий базаси, 04.06.2020 й., 09/20/348/0716-сон)* Олдинги таҳрирга қаранг.

газ узатиш ташкилотлари («Ўзтрансгаз» АЖ ва «Худудгазтаъминот» АЖ орқали) газ таъминоти ташкилотини — 2 соат мобайнида;

*(60-банднинг олтинчи хатбошиси Ўзбекистон Республикаси Вазирлар Маҳкамасининг 2020 йил 3 июндаги 348-сонли қарори таҳририда — Қонун ҳужжатлари маълумотлари миллий базаси, 04.06.2020 й., 09/20/348/0716-сон)*

газ таъминоти ташкилотлари *(жойлардаги маҳаллий ҳокимияти органлари орқали)* истеъмолчиларни — 1 соат мобайнида хабардор қилиши шарт. Олдинги таҳрирга қаранг.








Юқоридаги **“ЧОРА-ТАДБИРЛАР ВА ҚОИДАЛАР”** ни **“ҚОИДАЛАР”** ни истеъмолчи аҳоли аҳли барчаси билан яхши, тўлиқ ва аниқ қилиб ўрганиб чиқиб, сизга ариза билан мурожаат қилмоқдамиз! Олдинги туманимиз ҳокими Омонбой Жуманазаровнинг оғзаки топшириғи билан туман марказига ўта яқин ҳудуд ҳисоблансада Сарапоён қишлоғи **“Пахтагул”** маҳалласининг катта трасса **4 Р 156А** Урганч-Хонқа йўналишидаги Урганч шаҳрига бораверишдаги ўнг томонида жойлашган **4-5-6** кўчалари Газ тармоғидан узил-кесил ажратиб қўйилди.

2020-йилнинг 14-декабрь куни туманимизга янги ҳоким, яъни **Муродбек Давлатов** деган йигитни тайинлашди, ўтган йили январ ойида ушбу масалани ҳал қилишда юқорида кўрсатилган катта тарсса йўлини тўсиб қўйиб, туман ҳокимига билдириш қилганимизда у киши ҳам оғзаки қуруқ ваъдаларни бериб, газ тармоғига улаб беришни ваъда бериб, ҳали бу кунгача улаш ишлари амалга оширилмади. Ушбу масалани ижоюй ҳал қилишда Республикадан аниқ, ҳушмуомалали ходимларни жалб қилган ҳолда ижобий ечимини топишда амалий ёрдам беришингизни, акс ҳолда аҳли элат, маҳалла, туманимиз фуқаролари **“САЙЛОВОЛДИ”** норозичилик чиқишларини огоҳлантирмоқчимиз! Республикамиз **“ДУНЁ”**га танилмасин, қуйидаги ишларни фуқаролар бажаришга **100 %** тайёр!

- истеъмолчи газга уланиш учун газ таъминоти ташкилотига **ариза** топширишлари;
- аризага кадастр ҳужжати нусхаси илова қилишлари;
- мутахассислар **3 иш кунид**а жойига чиқиб, газлаштиришнинг техник имкониятларига мос келиш ёки келмаслигини ўрганилиши;
- ижобий қарор қабул қилинган тақдирда, истеъмолчини газлаштириш чоралари кўрилиши;
- газлаштирилган уй-жойлар **2 ва ундан ортиқ** **маиший истеъмолчига** ажратилган тақдирда, ҳар бир истеъмолчи учун газ истеъмолини ҳисобга оладиган алоҳида приборлар ўрнатилиши;
- газ таъминоти ташкилоти ва истеъмолчи ўртасида газ етказиб бериш шартномаси тузилиши;
- маиший истеъмолчилар билан шартнома тузилмаган тақдирда, шартнома газ тармоғига **амалда уланган вақтдан** тузилган ҳисобланиши;
- кадастр хизмати органлари кўчмас мулк давлат рўйхатидан ўтказгандан сўнг **3 кун** ичида янги мулкдор тўғрисида маълумот юборилиши;
- шартнома **2 нусхада** тузилиши;
- газ ускунаси жойлашган хонада **қайта режалаштириши**;

- газ приборлари яроқсиз бўлганда газдан фойдаланмасик;
- мўри ва вентиляция каналларини ўзбошимчалик билан тозаламаслик;
- газ ускуналарида мактабгача ёшдаги болалар фойдаланиши;
- газ қувурларига арқон боғлаш ва газ қувурларига оғир вазнли буюм қўймаслик;
- газ ва газ ускуналарида бошқа мақсадларда фойдаланиш, газ плиталаридан хоналарни иситиш учун фойдаланиши;
- газ ускунаси ўрнатилган хонада ухлаш ва дам олмаслик;
- газ сизиб чиқишини аниқлаш учун оловдан фойдаланишларига амал қилишларига ваъда бериб имзо қўйишларини билдирамыз:

- Тайиров Аминбой Сатимович
- Маҳмудов Шавкат Комилович
- Тайиров Мўминбой Сотимович
- Каримов Шерали Ибодуллаевич
- Матназаров Баҳодир Атабоевич
- Раҳимов Давлат Раззақович
- Эшчанов Мақсуд
- Жуманиёзов Азимбой Рейимбоевич
- Эржанов Шерхон Матякубович
- Ҳажиева Авазжон Рўзимовна
- Собиров Мансур Абдуллаевич
- Атажонов Ғолиб Қахрамонович
- Гайипов Ғуломбой Сапаевич
- Саминова Курвонбика Рейимбаевна
- Норбоева Анагул
- Шерова Марямжон


  
  
  
  
  
  


Ариза берувчиларга бош Хоразм вилояти  
 Хонка тумани Сарапоён қишлоғи “Пахтагул”  
 маҳалласида истикомат қилувчи ОДДИЙ ФУҚАРО:

Урунов Шавкат Исмаилович.

Мобиль тел рақамим:

Уй тел рақамим:

  
 93 282 5441